

# TŌ MAHERE REO

He aratohu hātepe-3  
ki te kawē i te reo  
Māori ki tō wāhi mahi

Ko tā te Mahere Reo, he whakarārangi i te āhua o te tautoko  
a tō whakahaere i te whakamahinga me te kitenga o te reo  
Māori i ngā mahi o ia rā. Whakamahia te hurihanga hātepe  
toru ki te whakatinana ake i ngā whāinga.

## HĀTEPE

### 01

#### Kia Mārama ki Tō Pourangi Tīmata

Me whai wā kia mārama ki ngā whakanekeneke o tō pakihi i mua o te oke ki ngā mahi.

## HĀTEPE

### 02

#### Whakatauria ngā whāinga ATAMAI ka Whakatinanatia

Whakamahia ngā Whāinga ATAMAI ki te tautuhi i tāu e hiahia ana ki te whakatutuki

##### He tauwhāiti

He aha ake te mea e  
hiahia ana koe ki te  
whakatutuki?

##### He tauine

Ka pēhea tō ine i te  
kokenga?

Ka pēhea tō mōhio mēnā  
i tutuki tō whāinga?

##### Ka taea te whakatutuki

He aha ngā rauemi e tika  
ana e tutuki ai tēnei?

##### He hāngai

Ka pēhea te tautoko  
a tēnei whāinga i te  
kaupapa whānui o  
tō Mahere Reo?

##### He angawā

Āhea te rā me oti?

# ATAMAI

#### Whakaaro 01

##### Whakaurua Te Reo Māori ki Tō Taiao

Kia reorua ngā mihi, ngā mihi  
whakakapi, me ngā tohu hei  
whakaatu i te takohanga,  
ā, hei whakataunoa i te  
whakamahinga o te reo.

#### Whakaaro 02

##### Whakapiki i te Puna Kupu Wāhi Mahi

Whakawhanakehia he  
punua puna kupu, kia 20  
ngā kupu e hāngai ana ki tō  
ahumahi me ngā tūranga.

#### Whakaaro 03

##### Te Whakapiki Mārama Pū

Tukua ngā awheawhe  
tūoho ahurea, tuarihia  
rānei ngā rauemi mō te  
hītori o te reo Māori.

#### Whakaaro 04

##### Hangaia he Arawātea ki te Whakamahi i Te Reo Māori

Tukua ngā akoranga reo Māori i ngā  
haora mahi, ngā paramanawa kawhe  
ōpaki rānei ki te whakapiki i te māia  
me te kore e whakawā.

## HĀTEPE

### 03

#### Arotake, Whakarākei, Whakapai

Ka tutuki pai ake te Mahere Reo ina arotake, whakapai auau hoki koe i ngā mahi.



TE TAURA WHIRI  
I TE REO MĀORI  
MĀORI LANGUAGE COMMISSION



Ka āhei ki ngā rauemi  
Whakamahere Reo ki konei.